

ՀԱՐՑԱԶՐՈՒՅՑ

# ԺԱՆՆԱ ԽԱԶԱՏՈՒՅԱՆ. «ՄԵՐ ԲՈՒՅԻ ՀԱՅԱԶԳԻ ՇՐՋԱՆԱՎԱՐՏՆԵՐՆ ԱՐԴԵՆ ԱՇԽԱՏՈՒՄ ԵՆ ՊԵՏԱԿԱՆ ԿԱՌՈՒՅՑՆԵՐՈՒՄ»

(Սկիզբը՝ 4-րդ էջում)

- Համալսարանն ավարտելուց ընդամենը մեկ տարի անց, պարզվեց, որ ամհրաժեշտ եմ մեր համալսարանի՝ Ջավախեթի մասնաճյուղին: Դուք իրավացի եք, դա պատմական օր էր երկրամասի համար: Հավանաբար, այն ժամանակ լրիվությամբ չէի գիտակցում, թե պետական ինչ նշանակալից քայլեր են կատարվում, թե՝ ազգային ինչ վիթխարի գործի էին ծառայում բոլոր այն մարդիկ, ովքեր հանդիսանում էին այս հզոր նպատակին ծառայող թիմի անդամները: Նրանց չէր վախեցնում այն սարսափելի ճանապարհը, որ շաբաթվա ընթացքում մի քանի անգամ ստիպված էին անցնել, չէր վախեցնում ո՛չ կլիման եւ ո՛չ էլ մյուս արգելքները, որոնք հանդիպում էին դեպի նպատակ տանող ճանապարհին: Առաջարկությունը ինձ մի փոքր տարակուսանքի մատնեց: Համալսարանի նստարանից դասախոսի կարգավիճակին անցնելը յուրատեսակ հարթակ էր, մի կողմից գրավիչ հեռանկարային առաջարկություն, մյուս կողմից՝ վիթխարի պատասխանատվություն այն մարդկանց առջև, ովքեր վստահեցին այդ գործը եւ այն ուսանողների առջև, ում պետք է ուսուցանեի: Թեպետ մտքովս էլ չանցավ հրաժարվել առաջարկությունից:

Չնայած նրան, որ ինձ համար Ասպինձայից եւ Ախալցխիցից հետո, Ախալքալաքին օտար էր եւ հայերենին ծանոթ էի հաղորդակցական մակարդակով, միեւնույն է, որոշեցի մեկնել Ախալքալաքի... Կարծում եմ, այս ճանապարհը ես պետք է անցնեի: Դա Աստծո կամքն էր...

Արդեն կարճ ժամանակ անց, լավ բարեկամներ ձեռք բերեցի: Համալսարանում աշխատող հինգ աղջիկներով ապրում էինք մի սենյակում: Հինգիս էլ միավորում էին միեւնույն նպատակներն ու միտումները: Այդ տարիներն իմ հիշողության մեջ հիանալի

հետք թողեցին: 2004 թվականին Մախարե Մացուկատովի հետ ստեղծեցինք ընտանիք եւ մշտապես մնացի Ախալքալաքիում: Ունենք երկու որդի՝ 16-ամյա Արսենը եւ 11-ամյա Բուբան:

Այսօր Սամցխե-Ջավախեթիի պետական համալսարանի Ախալքալաքիի մասնաճյուղը եւ ուսանողական հանրակացարանը վերանորոգված են, շատ բան կարգավորվել է, այդ ամենը նշանակալից է մեր տարածաշրջանի երիտասարդների համար:

**- Ի՞նչ կասեիք այն ուսանողների մասին, ովքեր մեծ ցանկությամբ յուրացնում են վրաց լեզուն եւ գրականությունը:**

- Հավանաբար, գիտեք, որ Ախալքալաքիի մասնաճյուղը հիմնականում համալրված է հայազգի ուսանողներով: Ուսանողները բուհ են ընդունվում վրաց լեզվի իմացության տարբեր մակարդակներով: Լսարանի հետ հարաբերություններում մանկավարժը պետք է դիֆերենցված մոտեցում ցուցաբերի. պետք է ծրագրի միմյանցից տարբերվող ակտիվություններ եւ իրականացնի դրանք, ինչը մեծ ջանքեր է պահանջում: Թեեւ արդյունքը արդարացնում է այդ ջանքերը: Ունեցել ենք ուսանողներ, ովքեր վրացերեն միայն գրել-կարդալ գիտեին, սակայն հավատացնում եմ, մեր մանկավարժների ջանքերով, վիթխարի աշխատանքի արդյունքում, բուհն այսօր ավարտում են վրացերենին բաջատեղյակ եւ որակյալ կադրեր: Եթե հայացք գցենք Ախալքալաքիի գործող պետական կառույցներին, օրինակ՝ սակրեբուլոյին, քաղաքապետարանին, արդարադատության տանը, դպրոցին կամ հանրակրթական մյուս հաստատություններին, ինչպիսին են բանկային հատվածը, ոչ կառավարական կազմակերպությունները, ապա կարող եմ վստահությամբ ասել, որ մեր համալսարանն արդեն հասել է ցանկալի նպատակի: Մեր մասնաճյուղում, ինձ հետ միասին, աշխատում են նաեւ մեր շրջա-

նավարտները եւ՝ արժանիորեն մրցակցում մյուս երիտասարդների հետ:

**- Կորոնավիրուսի համավարակի ժամանակահատվածում՝ ուսուցման գործընթացը փոխվեց: Ի՞նչ բարդությունների հետ է կապված հայազգի երիտասարդների հեռավար պայմաններում վրաց լեզվի ուսուցանումը եւ յուրացումը:**

- Համավարակի պատճառով թե՛ մանկավարժները եւ թե՛ մեր ուսանողները ստիպված էին արագացված տեմպերով յուրացնել հեռավար եւ վիրտուալ դասասենյակների կառավարման հանձնարարականները: Ներկա դրությամբ՝ դեռեւս դժվար է գնահատել հեռավար ուսուցման գործընթացի որակը: Բնականաբար, այդ գործընթացը ուղեկցվում է բարդություններով: Հիմնախնդիրներից մեկը համացանցից կախվածությունն է եւ՝ համացանցի ցածր որակը: Դժվար է, երբ չես կարող հետեւել ուսանողի զգացմունքներին, բացատրում եւ սովորեցնում ես լեզուն, որը նրա համար դեռ, ցավոք, օտար է եւ բարդ, ու ստիպված ես լինում, ցավոք, պարզաբանումները մերկայացնել էկրանից: Սակայն, դա համաշխարհային իրողություն է եւ կարելի է ասել, որ Ախալցխիսի Սամցխե-Ջավախեթիի պետական համալսարանը, բուհի Ախալքալաքիի մասնաճյուղը հարմարվեցին այդ իրողությանը եւ հաջողությամբ հաղթահարեցին հեռավար ուսուցման բարդությունները:

**- Դուք վերջերս պաշտպանեցիք ատենախոսություն:**

- Այո, վերջերս էր, անցյալ տարվա նոյեմբերի 12-ին պաշտպանեցի՝ «Վրաց եւ հայ լեզուների ընդհանուր հոլովները» թեմայով ատենախոսություն:

Ցանկանում եմ նշել, որ, Ախալցխիսի Սամցխե-Ջավախեթիի համալսարանում մագիստրոսի եւ դոկտորի ծրագրերի առկայությունը, վիթխարի նշանակություն ունի տարածաշրջանի զարգացման համար:

Ելնելով իմ օրինակից՝ կարող եմ ասել, որ բարձրագույն կրթության բոլոր երեք աստիճանները անցել եմ իմ հարազատ համալսարանում: Եթե մեր համալսարանում այդ ծրագրերը չլինեին, հավանաբար, նման հաջողության չիասնեի: Իսկ այդ ծրագրերի առկայության համար՝ առանձնակի շնորհակալություն պետք է հայտնել համալսարանի ռեկտոր տիկին Մակա Բերիձեին եւ՝ գիտական ոլորտում ռեկտորի տեղակալ, պրոֆեսոր Մերաբ Բերիձեին:

Ի դեպ, ատենախոսության թեմատիկան ընտրել եմ՝ ելնելով իմ գործունեությունից: Որոշեցի ուսումնասիրել այն հարցերը, որոնք բարձրացվում են լսարանում ուսանողների հետ ունեցած ամենօրյա աշխատանքի ընթացքում: Մասնավորապես՝ վրաց լեզվի ուսուցման ժամերին առաջացող հարցերը: Հուսով եմ, որ այդ ուղղությամբ կատարված աշխատանքում իմ կողմից իրականացված հետազոտությունը կունենա նշանակալի արժեք:

Բոլորին քաջ հայտնի է, որ մինչ օրս պետության գլխավոր մարտահրավերը մնում է պետական լեզվի ուսուցման հարցը: Ախալցխիսի Սամցխե-Ջավախեթիի պետական համալսարանը անձնուրաց աշխատանք է իրականացնում՝ ազգային այս հիմնախնդրի օպտիմիզացման ուղղությամբ: Դրա վկայությունն է վերջին տարիներին ոչ վրացալեզու ուսանողների թվաքանակի ավելացումը: Վստահությամբ կարող եմ ասել, որ մեր համալսարանն արդեն առյուծի բաժին է ներդրել այդ վիթխարի նշանակության պետական գործում: Հպարտ եմ, որ արդեն քսան տարի հանդիսանում եմ այդ ուժեղագույն թիմի անդամներից մեկը:

**- Տիկին ժաննա, շնորհակալություն հետաքրքիր գրույցի համար:**

*Հարցազրույցը վարեց  
ԼԻԿԱ ԶԱԶՆՇՎԻԼԻՆ*

*Ախալքալաքի*

ՀՐԱՏԱՊ

## ԳՐԵԹԵ ԶԻ ԼԻՆԻ ՈԼՈՐՏ, ՈՐԻՆ ՄՈՏ ԺԱՄԱՆԱԿՆԵՐՈՒՄ ԹԱՆԿԱՅՄԱՆ ԱԼԻՔԸ ԶԱՌՆՉՎԻ

(Սկիզբը՝ 1-ին էջում)

Բարձր սպառողական զները որոշակիորեն կարգավորելու համար, հարկ է՝ հնարավորինս զարգացնել տեղական արտադրությունը, ինչը, ցավոք, չի իրականացվում: Է՛լ ավելի մեծ ուշադրություն պետք է հատկացվի ինչպես տեղական արտադրության զարգացմանը, այնպես էլ՝ շուկաների բաշխմանը: Բավական է նշել, որ երկրում սպառվող ցորենի 90 տոկոսը ներկրվում է Ռուսաստանից: Ակնհայտ է, որ պետք է գտնել այլընտրանքային աղբյուր: Որքանով տեղեկացված եմ, կառավարությունն աշխատում է այդ ուղղությամբ,- հայտարարեց Զուրաբ Տղենալաձեն:

- Շատ բան է կախված իշխանության տնտեսական քաղաքականությունից, որպեսզի բնակչությունն ապահովված լինի անհրաժեշտ բոլոր մթերքներով, եւ դրանք վաճառվեն մատչելի գներով,- նշեց Զուրաբ Տղենալաձեն եւ հավելեց, որ ինքը լրիվությամբ համակարծիք է Ռուսաստանի դեմ պատժամիջոցների սահմանման հարցում կառավարության դիրքորոշման հետ, հակառակ դեպքում, նման քայլերի արդյունքում ծանր վիճակ կստեղծվեր Վրաստանում:

### ԿՏՐՈՒԿ ԱՃԵԼ ԵՆ ԲՆԱԿԱՐԱՆՆԵՐԻ ԳՆԵՐԸ

Սննդամթերքից հետո զների թանկացումը առավել զգացնել տվեց շինանյութերի եւ բնակարանային վերանորոգման նյութերի սակագների վրա:

**Համաբաժնետերերի ասոցիացիայի ղեկավար Իրակլի Ռոստոմաշվիլու** խոսքով՝ բնակարանների նախնական գինը, մեկ քառակուսի մետրի հաշվով, արդեն հասել է 1000 դոլարի:

- Շինանյութերի գներն արտակարգ աճել են, ամրաձողերի 1 տոննայի արժեքը 700-ից հասել է 1700 դոլարի: 140 քառ. մետր բնակատարածք ունեցող բնակարանների արժեքը, դեռ վերջերս սահմանված 75 հազարի փոխարեն, հասել է 100 հազար դոլարի,- նշեց Իրակլի Ռոստոմաշվիլին՝ հավելելով, որ ինքը չի բացառում, որ առանձին շինարարա-

կան ընկերություններ կանգնեցնեն ընթացիկ նախագծերը:

### ՄՏԱՅՈՎԱԾ ԵՆ ՆԱԵՎ ԱՆԱՄԱՊԱՐՆԵՐԸ, ԹՈՉՆԱԲՈՒՅԾՆԵՐԸ...

Ստեղծված իրավիճակը լրջորեն մտահոգում է նաեւ անասնապահությամբ, թռչնաբուծությամբ զբաղվող տեղական ընկերություններին, քանի որ թողարկած արտադրանքն անմիջականորեն առնչվում է անասնակերի գներին: Ինչպես նշեց «Կումիսի» ընկերության **հիմնադիր Զուրաբ Ուլունբեգաշվիլին**, անասնակերի հումքի սակագինը ավելացել է 40 տոկոսով, ինչը, բնականաբար, կազդի արտադրանքի սպառողական գնի վրա: - Օրինակ, եզիպտացորենը ներկրում էինք Ռուսաստանից եւ Ռումինիայից, որի գինը ավելացել է 40 տոկոսով: Այլ երկրներից ներկրումը է՛լ ավելի թանկ է նստում,- նշեց Զուրաբ Ուլունբեգաշվիլին:

### ՎԱՌԵԼԱՆՅՈՒԹԸ ԹԱՆԿԱՑԵԼ Է, ԲԱՅՑ ՔԱՂԱՔՈՒՄ ՄԵՔԵՆԱՆԵՐԻ ՊԱԿԱՍ ԶԻ ՆԿԱՏՎՈՒՄ

Վերջին ժամանակահատվածում «Վրաստան» թերթը մի քանի անգամ անդրադարձել է Վրաստանում վառելանյութի գների ֆանտաստիկ ավելացման թեմային:

Անցնող շաբաթվա ընթացքում՝ երկրում վառելանյութի գները սահմանեցին նոր հակառեկորդ, թեպետ զարմանալի է այն, որ, չնայած վառելանյութի գների նման աճին, երկրի խոշոր քաղաքներում մեքենաների հոսքի, ճանապարհների խցանումների թվի նվազեցում չի նկատվում:

**Տնտեսագետ, ակադեմիկոս Ավթո Սիլագաձեն** խոսքով՝ ավտոմեքենան շատերի համար եկամտի աղբյուր է, մի մասը խստացրել է այլ ապրանքների գնումների տնտեսումը:

- Վառելանյութի թանկացման տեմպերը, իրոք, շատ բարձր են: Համաշխարհային շուկայում մեկ բարել նավթամթերքի արժեքը վաղուց արդեն անցել է 100 դոլարի շենը: Ներկա դրությամբ՝ մեքենան արդեն չի կարող հա-

մարվել պերճանքի առարկա,- նշեց ակադեմիկոսը եւ հավելեց, որ երկրում արժեզրկման վտանգն ավելի քան լուրջ է, եւ առաջիկայում գների ավելացումը որոշակի ժամանակահատվածում կլինի անխուսափելի:

Ավտոմեքենաների ոլորտի մասնագետների կարծիքով՝ Վրաստանում վառելանյութի թանկացումը երթելեկող ավտոմեքենաների թվաքանակի վրա նշանակալի ազդեցություն չի գործել: Ինչպես նշեց **փորձագետ Գելա Կվաշիլավան**՝ վառելանյութի թանկացումը հանգեցրեց նաեւ հասարակական տրանսպորտով երթելեկության սակագնի ավելացմանը:

### ԿԱՌԱՎԱՐՈՒԹՅՈՒՆԸ ԵՐԱՇԽԱՎՈՐՈՒՄ Է՝ ՀԱՅՑ ԶԻ ԹԱՆԿԱՆԱ

Վրաստանի կառավարությունը երաշխավորում է, որ երկրի տարածքով հացը չի թանկանա: Հատուկ այդ նպատակով՝ պետությունը սկսում է հատուկ սուբսիդավորում, որի շուրջ գործարար շրջանների հետ բանակցություններն արդեն սկսվել են: Հատկանշական է այն փաստը, որ սուբսիդավորումը վերաբերում է միայն հացի արտադրությանը, եւ հացամթերքների մեծ մասը դուրս է մնում սուբսիդավորման շրջանակներից: Դրանից դուրս է մնում նաեւ ալյուրը: Սուբսիդավորման մանրամասների վերաբերյալ տեղեկատվություն չկա, թեպետ **գյուղատնտեսության նախարար Օթար Շամուգիան** հայտարարեց, որ երկրում ցորենի եւ ալյուրի բավարար պաշար կա: Նախարարի հավաստմամբ՝ անխափան է գործում այլ մթերքների ներկրումը նաեւ եւ առաջին սպառման ապրանքների անբավարարության վտանգը գրեթե բացառված է:

- Ներկրողների հետ առօրյա կապի մեջ ենք: Երկրում ինչպես շաքարի, այնպես էլ՝ մյուս մթերքների բավարար պաշար ունենք: Հիմնախնդիրներ չեն ծագի նաեւ ցորենի հարցում: Ներկայումս ցորեն եւ ալյուր ներկրողների հետ քննարկումներ են տարվում նոր շուկաների ձեռքբերման հարցով,- հայտարարեց Օթար Շամուգիան:

*ՅՈՒՐԻ ԽՈՐԵՆՅԱՆ*

COVID - 19

# ՁՈՒՐԱՐ ԱԶԱՐԱՇՎԻԼԻ. «ՄՈՏԵՆՈՒՄ ԵՆՔ ՀԱՄԱՎԱՐԱԿԻ ԱՎԱՐՏԻՆ, ՍԱԿԱՅՆ ՎԱՐԱԿՄԱՆ ՆՈՐ ԱՆԻՔԻՅ ԽՈՒՄԱՓԵԼՈՒ ՀԱՄԱՐ, ՊԵՏՔ Է ՀԱՐՈՒՆԱԿԵՆՔ ՊԱՀՊԱՆԵԼ ԶԳՈՒՇՈՒԹՅՈՒՆ»

ՄԱՐՏԻ 28-ԻՑ ԲՈԼՈՐ ՍԱՀՄԱՆՓԱԿՈՒՄՆԵՐԸ, ԲԱՑԻ ՓԱԿ ՏԱՐԱԾՔՆԵՐՈՒՄ ԵՎ ՏՐԱՆՍՊՈՐՏՈՒՄ ԴԻՄԱԿ ԿՐԵԼՈՒ ՊԱՐՏԱՎՈՐՈՒԹՅՈՒՆՑ, ԶԵՂԱՐԿՎՈՒՄ ԵՆ

(Սկզբը՝ 1-ին էջում)

ինչպես նաեւ կրճատվել են ամենօրյա վարակների դեպքերը: Այսօր հոսպիտալացված անձանց թիվը 800-ից քիչ է: Մահացությունը նույնպես զգալիորեն կրճատվել է, վերջին մեկ տարում առաջին անգամ ամենաքիչ տվյալն է գրանցվել՝ 7 դեպք: ասաց Ջուրաբ Ազարաշվիլին եւ հավելեց, որ բացառությամբ փակ տարածքում եւ հասարակական տրանսպորտում դիմակ կրելու պարտավորությունից, բոլոր սահմանափակումներն ու կանոնակարգերը կհանվեն: - Քանակական սահմանափակումները կհանվեն հանրային սննդի օբյեկտներում, ինչպես նաեւ՝ սպորտի, արվեստի եւ այլ միջոցառումների ժամանակ: Հեռավար աշխատող մար-



դիկ կվերադառնան աշխատանքի: Վրաստանի այն քաղաքացիների համար, ովքեր երկիր են վերադառնում առանց «ՊՇՈ» թեստի, վերացվում է ինքնամեկուսացման պարտավորությունը: Պատվաստումների խրախուսման ծրագիրը կպահպանվի: Գործնականում բոլոր սահմանափակումներն ու կանոնակարգերը, բացառությամբ փակ տարածքներում եւ հասարակական տրանսպորտում դիմակ կրելուց, կհանվեն, ընդգծեց նախարարը:

Միաժամանակ, Ջուրաբ Ազարաշվիլին բնակչությանը կոչ արեց՝ պահպանել ամենատարրական պահանջները. ֆիզիկական հեռավորությունը, փակ տարածքներում եւ տրանսպորտում դիմակ կրելու պարտավորությունը, քանի որ, ըստ նախարարի,

«միայն այդպես հնարավոր կլինի կանխել վարակման նոր ալիքը»: Նախականիչ միջոցառումների թվում Ջուրաբ Ազարաշվիլին նշեց նաեւ պատվաստման գործընթացի շարունակումը: Նրա խոսքով՝ Վրաստանում կորոնավիրուսի դեմ պատվաստումների խթանման ծրագիրը կշարունակվի նաեւ ապրիլ ամսվա ընթացքում: 50 եւ բարձր տարիքի Վրաստանի քաղաքացիները կարող են օգտվել միանվագ 200 լարիի (մոտ 58 դոլար) խրախուսական ծրագրից՝ պատվաստման առաջին չափաբաժինը ստանալուց հետո: Իսկ նույն տարիքային խմբի այն քաղաքացիները, ովքեր կպատվաստվեն «խթանիչ» (booster) չափաբաժնով՝ միանվագ կստանան 100 լարի (մոտ 29 դոլար): Այն քաղաքացիների համար, որոնց տարիքը չի համապատասխանում կենսաթոշակային տարիքին, սոցիալական գործակալությունը հաշիվներ կբացի Liberty Bank-ի հետ կնքված պայմանագրով:

## ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿԱՄՆԵՐԻ ԹԻՎԸ ԳԵՐԱՉԱՆՅՆՅՈՒՆ 478 ՄԻԼԻՈՆԸ

COVID-19-ի հաստատված դեպքերի թիվն աշխարհում հասել է 478 269 019-ի: Կորոնավիրուսի հետազոտական կենտրոնների տվյալների համաձայն՝ մահացածների թիվը գերազանցել է 6 133 918-ը: Ապաքինվել է 413 102 472 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 81 565 957 դեպք: Այստեղ մահացածների թիվը 1 002 259 է, երկրորդ տեղում Հնդկաստանն է, որտեղ հաստատված դեպքերի թիվը հասել է 43 016 372-ի, մահացածներինը՝ 516 785-ի:

Վարակվածների թվով հաջորդ տեղում Բրազիլիան է: Այստեղ վարակվել է 29 767 681, մահացել՝ 656 367 մարդ: Ֆրանսիայում կորոնավիրուսով վարակվել է 24 636 311, վարակի հետեւանքով մահացել՝ 141 443 մարդ: Ֆրանսիային հաջորդում են Մեծ Բրիտանիան, Գերմանիան, Ռուսաստանը, Թուրքիան, Իտալիան ու Իսպանիան:

Հայաստանում, ընդհանուր առմամբ, վարակվածների թիվը հասնում է 422 401-ի, մահացածներինը՝ 8 604-ի, ապաքինվածներինը՝ 409 635-ի:

Աղբյուրներում վարակվածների թիվը 791 604 է: Վարակից մահացել է 9 672, ապաքինվել՝ 781 394 մարդ:

Վրաստանում, վերջին տվյալներով, վարակվել է 1 645 301, մահացել՝ 16 698, ապաքինվել՝ 1 611 688 մարդ:

Մարտի 25-ին, կորոնավիրուսով վարակման 590 նոր դեպքերից 255-ը Թբիլիսիում է, Աջարիայում՝ 28, Մեմերթիում՝ 81, Քվեմո Քարթլիում՝ 20, Շիդա Քարթլիում՝ 34, Գուրիայում՝ 60, Սամեգրելո-Զեմո Սվանեթիում՝ 46, Կախեթիում՝ 39, Մցխեթա-Մթիանեթիում՝ 10, Ռաճա-Լեչխումիում եւ Քվեմո Սվանեթիում՝ 12, Սամցխե-Ջավախեթիում՝ 5:

Մարտի 25-ի տվյալներով մահացել է 10 մարդ:

## ՎՐԱՍՏԱՆԸ, ԱՌԱՋԻՆԸ ՏԱՐԱԾԱՇՐՋԱՆՈՒՄ ՄՏԱՑԱՎ «COVID-19»-Ի ԲՈՒԺՄԱՆ «PAXLOVID» ԴԵՂԱՄԻՋՈՑԸ

Covid-19-ի «Paxlovid» դեղամիջոցի առաջին խմբաքանակն արդեն հասել է Վրաստան: Այն առաջին երկիրն է տարածաշրջանում, որտեղ հասանելի են Covid-19 դեղամիջոցները եւ անվճար կտրամադրվեն հիվանդներին:

«Paxlovid»-ը Covid-19-ի դեմ մշակված առաջին ամենաարդյունավետ դեղամիջոցն է: Եթե վարակը հաստատվելուց պես «Paxlovid» ընդունել, հիվանդությունն այլևս չի կարող զարգանալ, ինչը նվազեցնում է հոսպիտալացման վտանգը: Դեղը մինչեւ 90 տոկոսով պաշտպանում է հիվանդության բարդացումից: «Paxlovid»-ով բուժումը պետք է սկսել վիրուսի հաստատման վաղ փու-

լում: Բուժման ընթացքը ներառում է հինգ օր: Դեղը կօգտագործվի թեթեւ եւ միջին ծանրության հիվանդների համար, ովքեր ունեն կանխատեսման բարձր ռիսկ՝ ինչպիսիք են քրոնիկական հիվանդություններ ունեցող մարդիկ, տարեցները եւ այլն: Դեղամիջոցը նշանակելու մասին որոշումը կկայացնի հիվանդի ընտանեկան բժիշկը եւ հիվանդը կառաքվի տուն:



## ԱՄԻՐԱՆ ՓԱՐԵԼԻՅԵ. «ԻՐԱՎԻՃԱԿԸ ԴԵՌԵՎՍ ԲԱՐԴ Է, ՊԱՏՎԱՍՏԿԵԼ Է ԶԱՓԱՀԱՍ ԲՆԱԿԶՈՒԹՅԱՆ 43,6 ՏՈԿՈՍԸ, ԻՍԿ «ԲՈՒՄՏԵՐՈՎ»՝ 8 ՏՈԿՈՍԸ»

Հիվանդությունների վերահսկման ազգային կենտրոնի ղեկավար Ամիրան Գամդրելիձեն, գնահատելով երկրում ստեղծված համավարակային իրավիճակը, նշեց, որ կորոնավիրուսի վարակի հետ կապված համավարակային վիճակն աստիճանաբար կայունանում է: Հարունակվում է ամենօրյա դեպքերի նվազման միտումը՝ հիվանդացության, դրականության, ինչպես նաեւ վերարտադրողականության ցուցանիշը: Կարելոր է, որ նվազում են մահացության դեպքերը:

- Այսօր հոսպիտալացված է 801 մարդ, որից 222-ը վերակենդանացման փուլում է, համավարակային իրավիճակը կայուն է, երկրում այն ամբողջությամբ կառավարվում է: Ըստ այդմ, կարծում ենք, որ սա պետք է շարունակվի մարտի ողջ ընթացքում: Ցավոք սրտի, ինչպես գիտեք, պատվաստումների մակարդակը շատ ցածր է: Եթե հունվարին օրական ունեինք 7000, փետրվարին՝ 3000, մարտին՝ 1000, սա շատ վատ է, քանի որ, պատվաստումից հետո Վրաստանում ինունային շերտը դեռ ցածր է: Պատվաստված է չափափառ բնակչության միայն 43,6 տոկոսը, «բուստերով» պատվաստ-

ված է 8 տոկոսը: Ուստի, պետք է շատ զգույշ լինել, քանի որ, ինչպես գիտեք, մի շարք երկրներում նույն «Օմիկրոնի» երկրորդ ալիքն է նկատվում՝ Ավստրիայում, Դանիայում, Բրիտանիայում: Բավական բարդ վիճակ է Հոնկոնգում: Աճում է նաեւ Հիմաստանի քաղաքների թիվը: Այնտեղ, որտեղ պատվաստումների ընդգրկվածությունը ցածր է, դեռ կարող է որոշակի աճի միտում լինել: Հիմնական կոչը նորից ու նորից ինունային շերտի ամրապնդումն է: «Բուստերը» հատկապես կարելոր է, քանի որ «խթանիչ» դեղաչափն իրականում պաշտպանում է վարակից, սրացումից եւ մահահարգիրը պատրաստեց ԱՐԵՎԻԿ ՄԱՌԻԿՅԱՆԸ

ցությունից,- ասաց Ամիրան Գամդրելիձեն:

Ինչ վերաբերում է «Deltamicron»-ին, ապա, ըստ Ամիրան Գամդրելիձեի, նախնական տվյալներով, այս շտամին բնորոշ չեն այնպիսի բարդություններ, ինչպիսին ունի «Delta» շտամը:

- «Deltamicron»-ը «Delta»-ի եւ «Omicron»-ի հիբրիդն է: Առայժմ տարբեր երկրներում հաջորդականությամբ հաստատվել է մի քանի դեպք: Ըստ նախնական տեղեկությունների՝ այն չի բնութագրվում «Delta»-ի խստությամբ եւ գերազանցում է «Omicron»-ի հատկանիշները, որին բնորոշ է ավելի թեթեւ հոսանքը: Մենք հետեւում ենք: Մեր կենտրոնը վերահսկում է շտամները, մենք ունենք մի քանի հիմքեր, որոնցից դիտարկում եւ կատարում ենք հաջորդականություն: Առայժմ մենք ոչ մի դեպք չենք գրանցել, սակայն, հավանական է, որ նոր շտամ կհայտնվի բոլոր երկրներում, ընդգծեց Հիվանդությունների վերահսկման ազգային կենտրոնի ղեկավարը:

ՈԼՈՐՏ

## ՎՐԱՍՏԱՆԻ ԴԵՂԱՏՆԵՐԻ ՅԱՆՅԵՐՈՒՄ ՍԿՍՎԵՅ 80 ՏՈԿՈՍ ԶԵՂՉՈՎ ԴԵՂԱՄԻՋՈՑՆԵՐԻ ՎԱՃԱՌՔԸ

«ՔՍԱՐԵԼՏՈ» 250,85-Ի ՓՈԽԱՐԵՆ՝ 49,65, «ՖՈՐԲՍԻԳԱՍ»՝ 145-Ի ՓՈԽԱՐԵՆ՝ 35,95, «ԲՐԻԼԱՆՏԱ»՝ 242-Ի ՓՈԽԱՐԵՆ՝ 47,95 ԼԱՐԻ...

Վրաստանի վարչապետ Իրակլի Դարիբաշվիլու նախաձեռնությամբ, դեղագործական Nobel եւ Abdi Ibrahim ընկերությունների հետ բանակցությունների շրջանակներում, Վրաստանի դեղատներում, սկսվեց ամենալայն պահանջարկ վայելող դեղամիջոցների վաճառքը 80 տոկոս զեղչ գներով:

Ինչպես հայտարարեց Վրաստանի բռնազավթված տարածքներից փախստականների, աշխատանքի, առողջապահության եւ սոցիալական հարցերի նախարար Ջուրաբ Ազարաշվիլին գերատեսչության կայքում հրապարակվել է դեղատների կոնկրետ ցանկը, որտեղ առկա են թուրքական դեղամիջոցներ, արդեն մոտ 50 դեղամիջոց կա: Ակտիվորեն ընթանում է նոր դեղամիջոցների գրանցումը:

- Դեղատների թիվը, իհարկե, օրեցօր կավելանա ու կավելանա: Հրապարակեցինք նաեւ կոնկրետ ցանկեր, որտեղ առ-

կա են նշված դեղամիջոցները, արդեն մոտ 50 դեղամիջոց կա: Ակտիվորեն ընթանում էր նաեւ նոր դեղամիջոցների գրանցումը: Դեղագործական շուկան նույնպես կարող է համարձակորեն դեղեր ներմուծել ուղղակիորեն, առանց բյուրոկրատիայի,- ասաց նախարարը:

Ստորին ներկայացնում ենք երկրի դեղատներում նվազեցված գներով վաճառվող առանձին դեղամիջոցների գները:

Մասնավորապես, «Բրիլանտա» դեղամիջոցը (90 մգ N56), 242 լարիի փոխարեն, դեղատներում արդեն հնարավոր է

գնել 47,95 լարիով: Գերմանական «Քսարելի» դեղամիջոցը (15մգ N28), 250,85 լարիի փոխարեն, 49,95 լարիով: «Ֆորբսիգա» հաբերի (10 մգ N28) ներկայիս սպառողական գինը կազմեց 35,95 լարի՝ 145 լարիի փոխարեն: «Սերետիդ ակուիալեր» (50 մգ/500 մկ/1 դոզա 60 դոզա) դեղամիջոցը, որի արժեքը կազմում էր 99 լարի, ներկայումս հնարավոր է գնել 47,95 լարիով, «Էսրամ» (10 մգ եւ 20 մգ) դեղամիջոցի գինը հասցվել է, համապատասխանաբար, 30 եւ 40 լարիի: «Կոիրդա» (150 մգ/12,5 մգ N28) դեղամիջոցը 41,6-ի փոխարեն, այժմ հնարավոր է ձեռք բերել 8,85 լարիով, իսկ 300 մգ/ 12,5 մգ նույն դեղամիջոցը, 52,6-ի փոխարեն, 9,9 լարիով: «Պենտաս» (հաբ.500 մգ N100) դեղամիջոցը, նախկին 175-ի փոխարեն, այժմ հնարա-

վոր է գնել 55,95 լարիով: «Ցիտոլեքս» (10 մգ N56) հաբերի ներկայիս գինը կազմում է 29,15 լարի, ինչը նախորդից նվազ է 77 տոկոսով: 77 տոկոսով նվազել է նաեւ «Վազոսկերի» (BID 20 մգ N60) հաբերի գինը, ներկայումս այն կազմում է 23,35 լարի: «Վանսետա» (4 մգ N84) ծամվող հաբերը հնարավոր է գնել 76,10 լարիով: Այդ դեղամիջոցի գինը նվազել է 77 տոկոսով: 43,85 լարիով, այսինքն 77 տոկոս զեղչով, ներկայումս դեղատներում վաճառվում է նաեւ «Պարկինի» (0,25 մգ N100) հաբը:

Ինչպես նշեցին Վրաստանի առողջապահության նախարարությունում Թուրքիայից ներկրվող դեղամիջոցների տեսականին նշանակալիորեն կընդլայնվի, կավելացվի նաեւ ներկրվող դեղամիջոցների ծավալը:

ՄԻՍՈՆ ԿԻԼԱԶԵ

# ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶԴՐԵՍԻ ՆՅՈՒԹԵՐՈՎ

## ՆԻԿՈԼ ՓԱՇԻՆՅԱՆ. «ՄԵՆՔ ԳՏԵՎՈՒՄ ԵՆՔ ԵՐՐՈՐԴ ՀԱՆՐԱՊԵՏՈՒԹՅԱՆ ՊԱՏՄՈՒԹՅԱՆ ԱՄԵՆԱԽԱՉՄԵՐՈՒԿԱՅԻՆ ԿԵՏՈՒՄ»

Մարտի 24-ին, Հայաստանի կառավարության հերթական նիստում, երկրի վարչապետ Նիկոլ Փաշինյանը հայտարարեց, որ մենք գտնվում ենք երրորդ հանրապետության պատմության ամենախաչմերուկային կետում. մի կետ, որի վրա Հայոց պետականությունը գտնվել է ոչ մեկ անգամ:

- Որպեսզի մենք կարողանանք պատմական այդ նույն կետից հասնել մեզ համար ցանկալի հանգուցալուծման, մեզ հարկավոր է աննախադեպ ճկունություն, լիարժեք ոչ էմոցիոնալ վիճակ: Մեզ հարկավոր են մտածողության նոր բանաձևեր: Եվ մենք, պիտի, այս փոքրկված աշխարհաքաղաքական օվկիանոսի մեջ հայտնված մեր նավը, մեր նավակը հասցնենք խաղաղ հանգրվանի: Եվ համոզված եմ՝ մենք դա կանենք, եւ դա թերեւս մեր պատմական առաքելությունն է,- նկատեց վարչապետը:

հավելելով, որ այն, ինչ այժմ կատարվում է աշխարհում, մեկնարկել է մեզ հետ տեղի ունեցածով եւ այսօր էլ տեղի ունեցող ուղիղ անդրադառնում է եւ անդրադառնալու է մեզ վրա:

Անդրադառնալով տնտեսության հետ կապված հարցերին՝ Նիկոլ Փաշինյանը նշեց, որ տնտեսական ակտիվությունը պահպանելու լավ հիմքեր կան: Նրա խոսքով՝ փետրվար ամսին գրանցված աշխատատեղերի՝ փետրվար ամսվա համար, բացարձակ ռեկորդ է գրանցվել՝ 646 հազար 77, որը, 2021



թվականի համեմատ, ավելի է 10,3 տոկոսով, 2019 թվականի համեմատ՝ 12,7 տոկոսով: Վարչապետի հավաստմամբ՝ նույնը վերաբերում է նաեւ միջին աշխատավարձին:

## ՓՈԹԻ-ԿՈՎԿԱՍ ԼԱՍՏԱՆԱՎԱՅԻՆ ՀԱՂՈՐԴԱԿՈՒԹՅՈՒՆԸ ԿՍՈՒԲՍԻՂԱՎՈՐՎԻ

Հայաստանի կառավարությունը կտրուկ հայտարարեց, որ տախտակում կամ ներմուծման նպատակով, Փոթի-Կովկաս լաստանավային կանոնավոր հաղորդակցությունը: Կառավարությունը նման որոշում կայացրեց մարտի 24-ի հերթական նիստի ժամանակ: Նախագիծը ներկայացրեց Էկոնոմիկայի նախարար Վահան Քերոբյանը:

- Հայաստանը, ներմուծման եւ արտահանման ժամանակ, միշտ բախվում է տարբեր խնդիրների հետ՝ Վերին Լարս ճանապարհը փակ է լինում, մեքենաների կուտակումներ կան տարբեր կողմերից: Այս նոր իրավիճակում, երբ պարենային անվտանգության հարցը դառ-

նում է ամենակարեւոր խնդիրներից մեկը յուրաքանչյուր երկրի համար, կարիք կա ֆունդամենտալ լուծում տալ: Մենք առաջարկում ենք սուբսիդավորել Փոթի-Կովկաս լաստանավային կանոնավոր հաղորդակցությունը, որը իրականացվում է շաբաթական երկու ան-

գամ, որպեսզի կարողանանք որոշ ժամանակի ընթացքում՝ մեր լոգիստիկ բեռնափոխադրումների էական մասը տեղափոխել երկաթուղային տրանսպորտին ձեւի,- ասաց Վահան Քերոբյանը:

Նախարարը նշեց, որ դա հնարավորություն կտա էապես բարձրացնել Հայաստանի լոգիստիկ հասանելիությունը, էապես բարձրացնել Հայաստանի մրցունակությունը, ինչպես նաեւ պարենային անվտանգության համար շատ կարեւոր դերակատարություն կունենա:

## ՍՓՅՈՒՌՔԱՅԱՅԵՐԸ՝ «ԻԳՈՐԾ» ԾՐԱԳՐԻ ԳՈՐԾՈՂՈՒԹՅԱՆ ՄԵՋ

2021 թվականին, «իԳործ» ծրագրի շրջանակներում, Հայաստանի պետական կառավարման համակարգի 19 մարմիններում ներգրավվել են աշխարհի 14 երկրից ժամանած 48 սփյուռքահայ բարձրակարգ մասնագետներ: Բացի «իԳործ» ծրագրից, 4 փուլով կազմակերպվել է նաեւ «Քայլ դեպի տուն» ծրագիրը, որին մասնակցել են 24 երկրից ժամանած շուրջ 400 սփյուռքահայ պատանիներ ու երիտասարդներ:

Ինչպես նշեց Սփյուռքի գործերի գլխավոր համձնակատար Զարեհ Սիմանյանը՝ «իԳործ» ծրագրի առաջնային նպատակը Սփյուռքի կարողությունների ներգրավումն է երկրի կառավարման համակարգում: Նրա խոսքով՝ «իԳործի» մասնակիցներից ունենք մոտ 70 տոկոս հայրենադարձություն, 1,5 տարի է, որ ծրագրին ուժի մեջ է, եւ այսօր ունենք «իԳործ»-ով Հայաստան եկած փոխնախարար, Զբոսաշրջության կո-

միտեի նախագահ, ՆՁԱԿ-ի նախագահ:

Հիշեցնենք նաեւ, որ Հայաստան-Սփյուռք գործակցությունը զարգացնելու եւ բազմազանեցնելու համար՝ 2021թ.-ի ընթացքում «Հանրային ծառայության մասին» օրենքի քննարկումներ են իրականացվել՝ սփյուռքի համայնքներում սփյուռքի գործերի համձնակատարներ նշանակելու նպատակով:

## ՀԱՅԱՍՏԱՆԻ ԲՆԱԿՉՈՒԹՅԱՆ 50 ՏՈԿՈՍԸ ՊԱՏՎԱՍՏՎԵԼ Է

Հայաստանի բնակչության 50 տոկոսը ստացել է հասանելիք պատվաստանյութերի առաջին դեղաչափը: Մինչեւ 18 տարեկան պատվաստվել ցանկացողների շրջանում էլ ակտիվություն է նկատվում:

Հայաստանի առողջապահության նախարարի առաջին տեղակալ Լենա Նանուշյանի խոսքով՝ կորոնավիրուսի վերջին երկու շտամերը առավել շատ տարածված են երեխաների շրջանում, եւ դա է պատճառը, որ նկատ-

վում է նաեւ պատվաստումների ակտիվացում երեխաների շրջանում:

- Պատվաստումը շատ կարեւոր է՝ մեր երեխաներին առողջ պահելու համար,- ասաց նա:

Լենա Նանուշյանը նշեց նաեւ, որ

կորոնավիրուսի հաջորդ ալիքին պատրաստվելու, ապահովված լինելու, անվտանգ անցկացնելու համար բնակչության 50 տոկոսի պատվաստված լինելը դեռեւս ցածր ցուցանիշ է:

- Կոչ եմ անում բոլորին՝ ստանալ իրենց հասանելիք դեղաչափը, որպեսզի հաջորդ ալիքը առանց կորուստների անցկացնենք,- նշեց Նանուշյանը:

## ՏՈՒԳԱՆՎԵԼ ԵՆ ՄԵՔԵՆԱՆ ՎԱՐԵԼԻՍ ԾԽԵԼՈՒ ՀԱՄԱՐ

Անվտանգ ծանալարիային երթևեկություն ապահովելու նպատակով՝ Հայաստանի ծանալարիային ոստիկանության 2-րդ սպայական գումարտակի ծառայողները, մարտի 14-ից 21-ը, մարզերում իրականացրել են ուժեղացված ծառայություն, որի ընթացքում հայտնաբերվել է ծանալարիային երթևեկության կանոնների 4717 խախտում՝ պահպանվող հատուկ տարածքներ 61 տրանսպորտային միջոց տեղափոխելիս:

Հայտնաբերվել է ոչ սթափ՝ 51, առանց վարորդական իրավունքի վկայականի՝ 6 անձ: 59 մեքենա շահագործվել է՝ առանց ԱՊՊԱ պայմանագրի, 28-ը՝ թաղանթապատված դի-

մապակիով, 3-ը՝ առանց համարանիշերի, 40-ի համարանիշերը փակցված են եղել ոչ սահմանված հատվածում: Դրանից բացի, 40 վարորդ տուգանվել է՝ վարելիս ծխելու համար:

## ՆՈՐ ՀԱՐՑԱՇԱՐ՝ ՎԱՐՈՐԴԱԿԱՆ ԻՐԱՎՈՒՆՔԻ ՎԿԱՅԱԿԱՆԻ ՄՏԱՑՄԱՆ ՀԱՄԱՐ

Հայաստանի կառավարության որոշմամբ, որը ուժի մեջ է մտել անցած տարվա հունվարի 1-ից, Հայաստանը միացել է Եվրամիության անդամ-երկրների՝ վարորդական իրավունքի վկայականների ներկայացվող օրինակելի ձեւը, վարորդական իրավունքի վկայական ստանալու համար տեսական եւ գործնական քննությունների կարգը, դիմումատուի առողջական չափանիշները եւ անհրաժեշտ բոլոր իրավական կարգավորումները սահմանող Եվրապառլամենտի եւ Եվրախորհրդի ընդունած հրահանգին:

Համաձայն նոր կարգի, վարորդական իրավունքի վկայական ստանալու համար, նախատեսվել է տեսական քննությունների անցկացում՝ բացի հայերեն լեզվից, նաեւ անգլերեն, ռուսերեն, պարսկերեն եւ արաբերեն լեզուներով: Մեծացել է գիտելիքների ստուգման թեստերի հարցաշարը՝ նախկինում եղած քննական 600 հարցին ավելացվել է եւս 500-ը: Տեսական քննության 10 հարցի փոխարեն՝ սահմանվել է 20 հարց, իսկ քննության

15 ռոպե տեսողության փոխարեն՝ 30 ռոպե:

Նոր հարցաշարերն արդեն ոստիկանության պաշտոնական՝ police.am կայքում են: Հարցաշարերը հասանելի են հայերեն, անգլերեն, ռուսերեն, պարսկերեն եւ արաբերեն: Նոր հարցաշարերի գործարկմամբ՝ քննությունները կանցկացվեն ապրիլի 11-ից:

Վարորդական իրավունքի վկայական ստանալու համար դիմող քաղաքացիները պետք է հերթագրման հայտ

ուղարկեն՝ roadpolice.am կայքի միջոցով: Նրանք պետք է ծանալարիային ոստիկանության հաշվառման եւ քննական ստորաբաժանում ներկայացնեն անձը հաստատող փաստաթուղթ: Օտարերկրյա քաղաքացիները՝ անձը հաստատող, ինչպես եւ Հայաստանում օրինական բնակությունը հավաստող փաստաթուղթ՝ կացության քարտ: Քաղաքացիություն չունեցող անձինք՝ օտարերկրյա պետության կողմից տրված ճանփորդական փաստաթուղթ եւ՝ Հայաստանում մշտապես բնակվող քաղաքացիություն չունեցող անձի կացության վկայական կամ Հայաստանում օրինական բնակությունը հավաստող փաստաթուղթ՝ կացության քարտ:



### ՇՆՈՐՀԱՎՈՐՄԵԶ ՆԱՎՐՈՒԹՅԱՆ ԱՌԹՎ

Հայաստանի վարչապետ Նիկոլ Փաշինյանը շնորհավորական ուղերձ է հղել Հայաստանի քրդական համայնքի ներկայացուցիչներին քրդական Նոր տարվա՝ Նավրոզի կապակցությամբ:

«Նավրոզը՝ զարնանային վերագարթոնքը, թող Հայաստանի քրդերի համար լինի ուրախության եւ չեղքեցրումների տարվա խորհրդանիշ: Թո՛ղ բոլոր մեծ ու փոքր փորձությունները մնան անցյալում, եւ չեք բոլոր բարի չեղանարկներում չեզ ուղեկցեն հաջողությունները:

Հայաստանի քրդական համայնքի ներկայացուցիչներին մաղթում եմ երջանկություն, չեք ընդանիքներին լիություն ու համերաշխություն, չեք համայնքին՝ բարօրություն եւ առաջընթաց՝ Հայաստանի հասարակության իրավահավասար եղբայրական ընդանիքում,- ասված է վարչապետի շնորհավորանքում:

### ԳՐԱՆՑՎԵԼ Է ՀՆԱ-Ի ՊԱՏՄԱԿԱՆ ԲԱՐՁՐ ՄԱԿԱՐԳՎԱԿ

Հայաստանի կառավարության հաշվետվությունում նշված է, որ, 2021 թվականին, հարկային վարչարարության զարգացման շնորհիվ, հնարավոր է եղել գերակատարել հարկային եկամուտների եւ պետական տուրքերի պլանը՝ շուրջ 147 մլրդ դրամով: Ոլորտում վարչարարության բարելավման արդյունքում հնարավոր է եղել բարելավել հարկեր/ՀՆԱ ցուցանիշը 0,3 տոկոսային կետով եւ 2021 թվականին արշահնագրել պարտական ամենաբարձր՝ 22,7 տոկոս հարկեր/ՀՆԱ մակարդակը:

Կառավարության որդեգրած քաղաքականության շնորհիվ՝ 2021 թվականի դեկտեմբեր ամսին աշխատատեղերի թվաքանակը կազմել է 659 471, որը բացարձակ ռեկորդ է Հայաստանի՝ նախորդող շրջանի ողջ պարտության համար:

2021 թվականին ընթացքում, պարտքի բեռը ՀՆԱ-ի նկատմամբ, շուրջ 3,2 տոկոսով նվազել է՝ հասնելով 60,3 տոկոսի:

### «ԻՄ ՏԱԵՐԵ» ԾՐԱԳՐԸ ԳՈՐԾՈՒՄ Է

Մի քանի ամիս է, ինչ մեկնարկել է «Իմ տանիք» բնակարանային ֆինանսավորման ծրագիրը, որն իրականացվում է «Գերմանա-հայկական հիմնադրամի» եւ «Ազգային հիպոթեկային ընկերության» համագործակցությամբ:

Ֆինանսավորման ծավալը 20 մլն եվրո է, որը տրամադրվել է KfW զարգացման բանկի կողմից՝ գերմանա-հայկական միջկառավարական համագործակցության շրջանակներում:

Ծրագիրը նպատակ ունի՝ խթանել էներգաարդյունավետ շինարարությունը Հայաստանում, ինչպես նաեւ նպաստել էներգաարդյունավետ բնակարանային ֆոնդի եւ, ընդհանուր առմամբ, հիպոթեքային շուկայի զարգացմանը երկրում:

Ծրագրի շրջանակներում ե՛ւ մարզերի, ե՛ւ երեսանի ցածր ու միջին եկամուտներ ունեցող բնակիչները, հնարավորություն ունեն հարմարավետ պայմաններով ստանալ բնակարանի չեղքեցրման, վերանորոգման եւ տան կառուցապարման վարկեր:

ԵԿԵՂԵՑԱԿԱՆ

**2.04.2022 Սուրբ Գրիգոր Լուսավորչի սուրբ-կալի չարչարանքների ու հոր Վիրապ մտնելու հիշատակության օր**

Հայ առաքին կաթողիկոս Սուրբ Գրիգոր Լուսավորչին նվիրված երեք հիշատակության օրերից՝ տարվա մեջ առաջինն է: Ըստ Հայաստանյայց Առաքելական Եկեղեցու տոմարացի-

ԱՊՐԻԼ



նշվում է Մեծ պահքի 6-րդ կիրակիի նախորդ շաբաթ օրը: Տոնը կատարվում է ի հիշատակություն հոր Վիրապում Սուրբ Գրիգոր Լուսավորչի կրած չարչարանքների:

Գրիգոր Լուսավորչի հիշատակը, իբրեւ համաքրիստոնեական սրբի, տոնում են նաեւ քրիստոնյա մյուս եկեղեցիները:

ՄՊՈՐՏ

**ՌԵԳԲԻ. ՎՐԱՑ ՌԵԳԲԻՍՏՆԵՐԸ 14-ՐԴ ԱՆԳԱՍ ԴԱՐՁԱՆ ԵՎՐՈՊԱՅԻ ԶԵՄՊԻՈՆ**

Վրաստանի ռեգբիի հավաքականը, Եվրոպայի առաջնության վերջին տուրում, հյուրընկալել է Իսպանիային ու համոզիչ խաղով պարտության մատնել՝ 49:15 հաշվով:



Նշենք, որ սույն համոզիչ արդյունքն էլ որոշեց առաջնության ճակատագիրը: Վրաստանի հավաքականին անհրաժեշտ էր հաղթել իսպանացիներին՝ խմբում առաջին տեղը գրավելու եւ ռեգբիի Եվրոպայի չեմպիոն դառնալու համար:

Վրաստանի հավաքականը, ռեգբիի Եվրոպայի 2022 թվական-

նի առաջնությունը ավարտեց՝ իր ակտիվում գրանցելով 20 միավոր: Առաջնության արժաբե մեդալակիր Իսպանիայի ընտրանին հավաքեց 17, իսկ բրոնզե մեդալակիր Ռումինիայի հավաքականը՝ 14 միավոր:

**ՖՈՒՏԲՈԼ. ՀԱՂՁԱՆԱԿ՝ ԸՆԿԵՐԱԿԱՆ ԽԱՂՈՒՄ**

Հայաստանի ֆուտբոլի ընտրանին երեւանում, Վազգեն Սարգսյանի անվան մարզադաշտում, ընկերական խաղի շրջանակներում, ընդունեց Չեռնոգորիայի թիմին եւ նվազագույն՝ 1:0 հաշվով առավելության հասավ:

Հաջորդ հանդիպումը Հայաստանի թիմը կանցկացնի մարտի 29-ին Օսլոյում՝ մրցելով Նորվեգիայի հետ:

Երեկ, մարտի 25-ի ուշ երեկոյան, Վրաստանի հավաքականը մրցակցի դաշտում ընկերական հանդիպում անցկացրեց Բոսնիա-Հերցեգովինայի հավաքականի հետ:

|    |    |    |    |    |    |    |    |    |    |    |    |
|----|----|----|----|----|----|----|----|----|----|----|----|
|    |    | 1  |    | 2  |    | 3  |    |    | 4  |    | 5  |
| 6  |    |    |    |    |    |    | 7  |    |    |    |    |
|    |    |    |    |    | 8  |    |    |    |    |    |    |
| 9  | 10 |    | 11 |    |    |    | 12 | 13 |    | 14 |    |
|    |    |    |    | 15 |    | 16 |    | 17 |    |    |    |
| 18 |    | 19 |    | 20 |    |    |    |    |    |    |    |
|    | 21 |    |    |    |    | 22 | 23 |    | 24 |    | 25 |
|    |    |    |    |    | 26 |    | 27 |    |    |    |    |
| 28 | 29 |    | 30 |    |    | 31 |    |    |    |    |    |
|    | 32 |    |    |    |    |    | 33 | 34 |    | 35 |    |
|    |    |    |    | 36 |    | 37 |    |    |    |    |    |
| 38 |    | 39 |    |    |    |    |    | 40 | 41 |    | 42 |
|    |    |    |    | 43 |    | 44 |    | 45 |    |    |    |
| 46 | 47 |    |    |    |    | 48 |    |    |    |    |    |
|    | 49 |    | 50 |    |    |    |    | 51 |    | 52 |    |
| 53 |    |    |    |    |    | 54 |    |    |    | 55 |    |
|    |    |    | 56 |    |    |    |    |    | 57 |    |    |

ՇՆՈՐՀԱՎՈՐՈՒՄ ԵՆՔ

**ՎՐԱՍՏԱՆԻՑ ԱՌԱՋԻՆ ՕԼԻՄՊԻԱԿԱՆ ԶԵՄՊԻՈՆ ՈԱՖԱՅԵԼ ԶՄՇԿՅԱՆԸ ՆՇԵՑ ԻՐ 93-ԱՄՅԱԿԸ**

«Վրաստան» թերթի խմբագրությունն ի սրտե շնորհավորում է վրաստանցի առաջին Օլիմպիական չեմպիոն, 1952 թվականի Հելսինկիի 15-րդ օլիմպիական խաղերի ծանրամարտի 60 կգ քաշային կարգում ոսկե մեդալակիր, աշխարհի երկակի չեմպիոն, Եվրոպայի վեցակի չեմպիոն, Համաշխարհային ունիվերսիադայի հաղթող, հորիզոնային Միության տասնմեկակի չեմպիոն, Համաշխարհային 11 ռեկորդների հեղինակ, հորիզոնային Միության սպորտի վաստակավոր վարպետ, Թբիլիսիի պատվավոր քաղաքացի Ռաֆայել Զմշկյանին՝ ծննդյան 93-ամյակի առթիվ, մաղթում՝ քաջառողջություն, երկարակեցություն:

Նշանավոր մարզիկին, ծննդյան օրվա կապակցությամբ, հատուկ մրցանակ հանձնեցին Վրաստանի ազգային օլիմպիական կոմիտեի նախագահ Լերի Խաբեշվիլը, առաջին փոխնախագահ Էլզուրա Բերիշվիլին:



ՏՐԱՆՍՊՈՐՏ

**ՄՈՊԵՂՆԵՐԻ ԵՎ ԹԵԹԵՎ ԿՎԱՂՈՑԻԿԼԵՏՆԵՐԻ ԳՐԱՆՑՈՒՄԸ ԴԱՌՆՈՒՄ Է ՊԱՐՏԱԴԻՐ**

Վրաստանի ներքին գործերի նախարարության սպասարկման գործակալության տվյալներով՝ Եվրամիության հետ Ատլանտյան համաձայնագրով ստանձնած պարտավորությունների շրջանակում, «Ճանապարհային երթևեկության մասին» Վրաստանի օրենքում փոփոխությունների համաձայն՝ մոպեդները եւ թեթև կվադրոցիկետները, օրենքով սահմանված կարգով, ենթակա են գրանցման: 2022 թվականի մարտի 28-ից «AM» անվանակարգի տրանսպորտային միջոցների գրանցումը դառնում է պարտադիր:

Սպասարկման գործակալությունից հայտնում են, որ, մինչև ընթացիկ տարվա մարտի 28-ը, մոպեդների եւ թեթև կվադրոցիկետների նախնական գրանցման դեպքում, գործում է գրանցման

պարզեցված կարգ՝ «AM» անվանակարգի մեքենաները կարող են գնվել կամ նախնական գրանցման ներկայացվել՝ Պարբերական տեխնիկական զննության կենտրոններում:

ՄԱՅՐԱՔԱՂԱՔ

**ԻՆՉ ԱՐԺԵՆ ԱՅՍՕՐ ԲՆԱԿԱՐԱՆՆԵՐԸ ԹԲԻԼԻՍԻՈՒՄ**



Վրաստանի ազգային վիճակագրական ծառայությունը (Geostat) հայտնում է, որ Թբիլիսիում անշարժ գույքի (բնակարանների, առանձնատների եւ այլն) գների ցուցանիշը, 2020 թվականի միջին ցուցանիշի համեմատ, աճել է 8,5 տոկոսով:

Geostat-ը հրապարակել է Թբիլիսիի առանձնատների

րի 1 քառ.մետրի գները՝ ըստ տարբեր շրջանների. Մթածմինդա - 3400 լարի, Վակե - 3300 լարի, Սաբուրթալո - 3100 լարի, Դիդուբե - 2600 լարի, Կրծանիսի - 3000 լարի, Չուղուրեթի - 2240 լարի, Իսանի - 2500 լարի, Սամգրի - 2400 լարի, Նաձալադեի - 2000 լարի, Գլդանի - 1 800 լարի:

Ազգային վիճակագրական ծառայության տվյալներով՝ անցյալ տարվա 4-րդ եռամսյակում, նախորդ 3-րդ եռամսյակի համեմատ, 1 քառ. մետրի գներն աճել են 6 թաղամասերում, իսկ 4-ում՝ նվազել: Մասնավորապես, 1 քառ. մետրի գները բարձրացել են Սաբուրթալոյի (90 լարիով), Կրծանիսի (30 լարի), Իսանի (80 լարի), Դիդուբեի (555 լարի), Նաձալադեի (20 լարի) եւ Սամգրիի (335 լարի) շրջաններում:

**ԽԱՍՈՐԴ ԳԱՏԱՐԻ ԽԱՉԲԱՌԻ ՊԱՏԱՍԽԱՆՆԵՐԸ**

**ՀՈՐԻԶՈՆԱԿԱՆ.** 6.Հայ գրող, արեւելահայ աշխարհաբար գրականության հիմնադիր Խաչատուր ... 7.Դերասանուհի, ՀԽՍՀ ժողովրդական արտիստուհի ... Մուրադյան: 8.Տգեղ (խոսակց.): 9.Բեմադրվեստ: 12.Սափրվելու հարմարանք: 17.Կշեռքի մաս: 18.Երկրաչափական պատկեր: 21.Գերմանացի գրող, 1929թ. գրականության Նոբելյան մրցանակի դափնեկիր ... Մանն: 22.Բանջարեղեն: 27.Կացին: 28.Գալիք ժամանակ: 31.Բաշկորտոստանի մայրաքաղաքը: 32.Չորս աստղանի հյուրանոց Բաթումիում: 33.Վարսավիրի «գեները»: 36.Ցուցմունք տվող: 38.Ազնիվ մետաղ: 40.Բանական էակ: 43.Ոչխարի ճարպոտ մասը: 45.Ճապոնական էլեկտրոնիկայի ֆիրմա: 46.Ձկան տեսակ: 48.Հափշտակող, կողոպտիչ: 49.Միմիկա: 51.Վրացական երգ ու պարի համույթ: 53.Բաժակաճառ: 54.Հայկական ֆուտբոլային թիմ: 55.Տարին հնում: 56.Հայոց թագավոր: 57.Գորգ (ժող.):

**ՈՐԿԱՆԱՅՈՒՆ.** 1.Անգլոիռլանդացի բնափիլիսոփա եւ գյուտարար Ռոբերտ ... 2.Նորարարություն: 3.Լեռակեր թռչուն: 4.Բարձունքից սրընթաց կեր-

պով ցած թափվող ջրի հոսանք: 5.Վառված փայտից մնացած հուճք: 10.Սովորույթ: 11.Թռչունների խումբ: 13.Երաժշտական գործիք: 14.Երգչուհի ... Վայկուլե: 15.Սլավոնական ժողովուրդ: 16.Սրածայր գագաթ: 19.Ստեղծավոր երաժշտական գործիք: 20.Ցարական Ռուսաստանի ծայրամասերը արտագաղթեցված արտոնյալ գյուղացի, ինչպես նաեւ՝ ռազմիկ: 23.Ոսկրային գոյացություն բերանում սնունդը բռնելու, կծելու եւ ծամելու համար: 24.Հանքանյութ: 25.Խեցեգործ: 26.Ոտքի ծալվող մասը: 29.Մեղունների խումբը: 30.Վրացի լեգենդար ֆուտբոլիստ ... Նոդիա: 34.Զովագուցիչ ընպելիք: 35.Գետ Նեպալի արեւմուտքում եւ Տիբեթի ինքնավար շրջանի հարավում: 36.Գերմանացի ռեժիսոր ... Վինդերս: 37.Մահճակալ: 39.Նորից: 41.Կին ֆիդայի: 42.Պարսիկ գրող: 43.Հարեւան: 44.Մոդեսի տեսակ: 47.Դրախտային այգի: 50.Չեռքի «հինգ եղբայրներից»: 51.Ահ, սարսափ: 52.Արագացման չափման միավոր ՍԳՎ համակարգում, հավասար է 1 սմ/վ2:

Կազմեց ԷԼԼԱ ԱԹԱՐԵՎՅԱՆԸ

**ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ**

**ՀՈՐԻԶՈՆԱԿԱՆ.** 1.Բացատ: 4.Արտամետ: 9.Եր: 11.Եսեմին: 13.Ծերեթելի: 14.Տետր: 15.Իրինա: 17.Գույն: 19.Սոնա: 21.Նա: 22.Ձուխ: 25.Իսկ: 26.Գերդա: 27.Ութ: 28.Ավան: 29.Ռե: 30.Նետ: 32.Լցա: 34.Բալ: 36.Իթակե: 39.Գրիգոլ: 42.Մուկ: 43.Նոյ: 44.Սերո: 45.Րաֆֆի: 48.Միմաս: 50.Աջ: 51.Ուտեն: 53.Լոնդա: 55.Իորի: 56.Սալոնիկ: 58.Ան: 59.Տնանկ:

**ՈՐԿԱՆԱՅՈՒՆ.** 2.Ավետիս: 3.Անիտան: 4.Արթուր: 5.Տեր: 6.Արեգունի: 7.Եղեռն: 8.Դեմիրճյան: 10.Սիամանթ: 12.Նե: 16.Նովենց: 18.Յատն: 20.Ազոր: 23.Տա: 24.Հալի: 26.Գալիկ: 27.Ուս: 31.Երեկո: 33.Ախոյան: 35.Ծամբուլի: 37.Կուր: 38.Դարեգան: 39.Գարեջի: 40.Գորի: 41.Արի: 46.Ֆաուստ: 47.Ֆաստան: 48.Մարտ: 49.Օմոն: 50.Ադամ: 52.Ելա: 54.Ոկ: 57.Նկ:

**Գլխավոր խմբագիր՝ ՎԱՆ ԲԱՅԲՈՒՐԹՅԱՆ**

**Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ**

**Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ**

**Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ**

**ՔՅՅ60 ՅՈՆԱՅՅԹՈՒ: ՄԺԾԼՈՅՈ 0105, ՃԱՄԲԵՂՈՅ ՄՅՅԱ 5.**

**Մեր հասցեն՝ Թբիլիսի 0105 Գ.Աթոնելի փ. 5**

**ԹՅԼ. Հեռ. 2990-739, 2990-774**

**www.vrastan.ge E-mail: vrastan.press@gmail.com**

**Գրանցման վկայական № 4 4 - 1439**

**«ԿՈՆՈՐ» հրատարակչություն**

**«ՅՐԱՅԹԱՅՈ»**

**ՄԺԾԼՈՅՈ, ՆԱՅՅԹՅՈՅԼՈ**

**“ВРАСТАН”**

**Тбилиси, Грузия**

**<VRASTAN>**

**Georgia, Tbilisi**

**Индекс 66445**